

Afrikaans

Lees die gedig



Ma lees stories

My ma lees stories elke aand
Dis goed en hou my slim
Sy lees die stories oor en oor
Tot ek die einde hoor!
Lekker stories lees
Lekker drome droom
Elke keer as ek dit hoor!

Afrikaans

Luister na die berig

Luister na die koerantberig. Beantwoord dan die vrae.

Sussies in Zoar stig leesgroep

Colin Hendricks in Zoar:
colin.hendricks@rapport.co.za

Nasia Davids (9) en haar sussie, Zoë (7), hou baie van boeke en is lief vir lees. Hul ma het elke aand vir hulle stories gelees.

Hulle het besluit om 'n leesgroepie te begin vir die kinders van Zoar naby Oudtshoorn.

Hulle het pamflette gemaak om mense te laat weet van hul plan en het die pamflette van huis tot huis afgelewer. Die eerste dag was daar net drie kinders, maar die volgende dag was daar 20 kinders en daar kom elke keer meer kinders by.

Die meeste boeke is Nasia en Zoë se eiendom, maar

hulle gee nie om om hul boeke met ander kinders te deel nie. Hulle deel ook hul skootrekenaar met hul maats. Só kan Nasia en Zoë se ma, mev. Davids, die ander kinders ook help met spoedlees en wiskunde. Die kinders bou ook legkaarte en kry skaak- en leeslesse. Mev. Davids leer die kinders ook dat daar 'n wêreld buite die klein dorpie Zoar is.

Zoë wil eendag op Stellenbosch studeer en dalk 'n tandarts of 'n fisioterapeut word, of miskien 'n danser. Nasia wil graag 'n joernalis word en deur die wêreld reis.

Nasia en Zoë se liefde vir lees kom van hul ouers af, wat albei onderwysers is.

(Uit: *Kaap-Rapport*, 16 Mei 2010)

Afrikaans

Beantwoord die vra

Hoe goed verstaan jy die koerantberig?

1. Waar woon die twee sussies?
2. Hoe het hulle ander mense van die leesgroepe laat weet?
3. Wie se boeke lees die kinders?
4. Wat doen die kinders nog by die leesgroepe?
5. Watter sort werk doen die sussies se ouers?